

易

通

周易正解卷之五

易通七

上元程廷祚著

傳五 大象

上篇

天行健君子以自強不息

按不斥卦名所以尊乾也

按彖辭傳惟用健順動入陷麗止說之象若天地雷風水火山澤八者則大象取之此其不同也此專以天德明乾卦之用天德莫大于健君子之用乾莫大于不貳其心自強者健也不息者乾而又

乾也。

地勢坤君子以厚德載物

地而曰勢則重坤之義亦見矣君子法之而无不持載焉

雲雷屯君子以經綸

雲、雷、方、興、天、地、交、而、未、定、屯、之、象、也、君、子、以、經、綸、則、天、下、之、出、于、屯、有、日、矣、

山下出泉蒙君子以果行育德

蒙者人心未開之象也泉方出于山下其流塞而

未暢宜決以達之。其源清而未濁。宜靜以養之。故曰君子以果行育德。

雲上于天。需君子以飲食宴樂。

雲上于天。勢之自然。非由強致。猶之飲食宴樂。人所必有。而不可踰其則者。君子之用需。不敢縱口腹之欲。而極歡娛之事。順時合道而已。

天與水違行。訟君子以作事謀始。

爭始于有所違。天之與水。理无復合。君子作事。不可不審于兩端之異也。于此而謀其始。则无爭矣。

地中有水師君子以容民畜衆

水由地中行則无汎濫之虞容民畜衆不使起而爲寇兵之所以寢也。

古者兵民不分大象惟重安民之義

地上有水比先王以建萬國親諸侯

水附于地然有分合有向背莫能定也諸侯附于天子惟盛德可以一之建者植之使立親者撫之使安皆比天下之道也。

風行天上小畜君子以懿文德

風行天上暫也文德華飾之事雖不可缺然非道

之本根。君子以懿文德。與其暫而不與其常也。

上天下澤履。君子以辨上下定民志。

履者所常行也。上天下澤分不可干。故可以爲常。辨上下以定民志。此長治久安之道也。

天地交泰。后以財成。天地之道。輔相天地之宜。以左右民。

天地交者。陽在內而爲主也。陽在內而爲主。則天下之陰无不化。故爲泰。言后者。非天子不能盡泰之事也。天地之道不能自節。財成所以正之。天地

之化有所未至輔相所以贊之。禮樂刑政之類皆是也。禮樂刑政四達不悖以左右天下之民則泰之道得矣。

天地不交否。君子以儉德辟難不可榮以祿。

天地不交者陰在內而爲主也。陰在內而爲主則陽不得其用故爲否難之象也。儉德所以應天地之閉藏不可榮以祿者非大亨以養之時也。

天與火同人君子以類族辨物。

天在上而火炎上天也。火也言其性族之同也。言

其形物之不同也。君子于族之同者類而聚之。于物之不同者辨而合之。所以爲同人也。

火在天上大有君子以遏惡揚善順天休命

火在天上明无不照故曰大有善惡天所並生然天之休命在善而不在惡故遏惡揚善明明德于天下君子所以順承天命而有其大也

地中有山謙君子以裒多益寡稱物平施

地中有山高卑一致謙之象也裒多益寡稱物平施使无復參差不齊之憾君子之平天下取諸此



矣。此與象爻不同義

雷出地奮豫先王以作樂崇德殷薦之上帝以配祖

考配疑當作祀

雷者發生之氣出地而奮謂之豫者和暢之至也  
先王得萬國之懽心而作樂以象其德以薦上帝  
配祖考義取諸此曰崇曰殷皆言其盛也

澤中有雷隨君子以嚮晦入宴息

澤中有雷陽伏于陰隨其時之宜也嚮晦入宴息  
君子于此養其陽德以待日出之用非徒休息而

己也

猶後儒言宵有作息有養

山下有風蠱君子以振民育德

風發而格于山蠱壞之象民不振而德不育矣君子以風之振物者振民以山之育物者育德所以治蠱也

澤上有地臨君子以教思无窮容保民无疆

上地以臨下澤故謂之臨地之所有惟澤是歸而

澤始大

序卦傳曰臨者大也

故教思則无窮保民則无疆君

子所以盡臨下之道也

風行地上觀先王以省方觀民設教

風行地上有觀覽之象省方觀民設教所謂草尚之風必偃也

雷電噬嗑先王以明罰勅法

雷電蔡邕石經作電雷

電以照之雷以震之先王秉日月之光而明罰則本于電使人知所畏而已先王沛雨露之澤而勅法則本于雷使人不敢懈而已此噬嗑之義也

山下有火賁君子以明庶政无敢折獄

山下有火明不足以敵暗也用其明以明庶政不

敢用其暗以折獄。君子之慎也。

山附于地。剝上以厚下安宅。

山附地以立。猶上倚下而安也。地不厚則山頽下。不固則上蹶。

雷在地中。復先王以至日閉關商旅不行。后不省方。雷在地中。一陽起于重陰之下。至日之象。商旅不行。后不省方。朱晦菴謂安靜以養微陽是也。

天下雷行。物與无妄。先王以茂對時育萬物。

或云天  
下雷行

物與六字宜句。按如此則  
與諸卦之例甚合。可從。

无妄者天所以立物之命自其生物之始而皆畀之矣。故曰天下雷行物與无妄對時猶言奉天茂對時育萬物言奉天道以植天下之生理正德厚生之屬是也。曰先王者自上世以來繼天立極靡不由之。

天在山中大畜君子以多識前言往行以畜其德。山者天之一物耳。有山而天在其中矣。至大者莫如德。天之象也。君子以多識前言往行而畜之。猶山之得乎天也。其畜不已大乎。

山下有雷頤。君子以慎言語節飲食。

山下有雷動而不肆。言語飲食皆人身之動而不能无者也。慎與節不敢肆也。

澤滅木。大過。君子以獨立不懼。遯世无悶。

澤而滅木。宇宙之生氣盡矣。獨立不懼。不以寡黨而易其行也。遯世无悶。不以不見知而有悔也。

水洊至。習坎。君子以常德行習教事。

水洊至者。水潤下而不驟。則成川也。君子以之常德行。則安于心。而德崇以之。習教事故服于躬而

業廣

明兩作離大人以繼明照于四方

明兩作謂卦體上下俱明也天子明明德于天下

諸侯明明德于一國以至卿士大夫莫不皆然所謂繼明也。以之照于四方則盛治成焉。

繼明卽象辭傳所謂

重明

下篇

山上有澤咸君子以虛受人

山不能受物以其實也。今其上有澤則虛而能受

物矣。君子象之以爲容納善至則入怨至則化也。  
雷風恒。君子以立不易方。

雷剛而在上風柔而在下終古不變所以爲恒也。  
君子象之剛柔雖不可偏廢而其一定之位則終  
不使之紊焉故曰立不易方。

天下有山遯。君子以遠小人。不惡而嚴。

天下有山山雖高而天自遠遯之象也不惡而嚴  
天不與山較也。

雷在天上大壯。君子以非禮弗履。



雷在天上。剛之至也。君子之用剛。不主于有所動。而主于有所不動。故非禮弗履。

明出地上。晉君子以自昭明德。

明出地上。朝旭之象。日之方升。萬景俱新。自昭明德。君子法之以自新也。

明入地中。明夷君子以蒞衆用晦而明。

蒞衆而惟明是用。則衆不能安。故君子用晦以善其明。亦所以自全也。

風自火出。家人君子以言有物而行有恒。

言以忠信爲物。行以篤敬爲恒。皆修身之事。身修則家齊。所謂知風之自是也。

上火下澤。睽君子以同而異。

火形而上。道之象也。澤形而下。器之象也。器者。凡民所同具。道者。君子所獨行。故曰。君子以同而異。山上有水。蹇。君子以反身修德。

水在山上。未遂其行地之性。所謂蹇也。反身修德。行有不得。則反求諸己而已。

雷雨作。解。君子以赦過宥罪。

雷雨並作萬物發生赦過宥罪以好生之德體天意也

山下有澤損君子以懲忿窒慾

山下有澤山摧則損山山摧而入于澤則損澤君子損身之疾忿自外至宜懲慾自內起宜窒也風雷益君子以見善則遷有過則改

風雷至迅之物遷善不可不銳改過不可不勇君子之取法于風雷而增益其德者如此澤上于天夬君子以施祿及下居德則忌

澤上于天盛之至也。施祿及下。君子配天以布澤也。居德則忌。朱晦菴曰未詳。

天下有風姤后以施命誥四方

風之所至物必從焉。施命誥四方人君所以宣布德意而達天下之氣也。

澤上于地萃君子以除戎器戒不虞

澤上于地有橫流之勢聚而未安之象也。君子之于天下既常撫之以道而于此又治兵以防意外之變焉。

地中生木升。君子以順德積小以高大。  
參天之木。始于萌蘖。君子之于德。患其不積而不。  
患其積之小也。積小以高大。卽所謂順德也。

澤无水困。君子以致命遂志。

致者委也。命在天則委之而不問。志在己則守之。  
而弗移。君子處困之道也。

木上有水井。君子以勞民勸相。

水在下而上于木。井以養人之象也。勞民勸相皆。  
養人之事。

澤中有火革君子以治曆明時

澤中有火寒盡而有微溫新故相嬪以相生革之義也。治曆明時天道彰而人事作矣。

木上有火鼎君子以正位凝命

木上有火鼎之用也。鼎者重器。君子持之以養天下。故法鼎之象以正其位而凝天命也。

洊雷震君子以恐懼修省

雷以洊至動不一動也。君子既以恐懼生其心。又以修省治其身。所以象震之動者至矣。

兼山艮君子以思不出其位

山者不動之物。艮之象也。人之妄動。由不能慎其思。思者。人不能无。然當其境。則有思。過其境。則无思。斯不失其正矣。思不出其位。所謂當其境。則有思也。此君子慎思之道。取諸艮者也。思之。不妄而動。何由至于妄乎。

山上有木。漸。君子以居賢德善俗。

木生于山。其所至。非旦夕之能竟。必以漸焉。賢德。賢人之德。在己者也。風俗。在天下者也。在己之德。

以漸而賢。在天下之俗。以漸而善也。

澤上有雷。歸妹。君子以永終知敝。

雷動于上。澤說于下。情之和而不流者也。永終以保其和。知敝以節其流。君子謹于人倫之始者如此。

雷電皆至。豐。君子以折獄致刑。

雷電皆至。動而明也。動而明者。宜于刑獄。故曰君子以折獄致刑。

山上有火。旅。君子以明慎用刑而不留獄。



山。上。之。火。一。過。而。灰。滅。旅。寄。之。象。也。君。子。之。治。天。  
下。以。德。爲。常。以。刑。爲。寄。故。其。用。刑。明。取。諸。火。慎。取。  
諸。山。而。不。留。獄。則。取。諸。旅。寄。矣。慎。而。留。獄。則。苦。煩。  
苛。也。不。留。獄。而。不。以。明。則。讞。決。不。得。其。平。也。

隨風巽君子以申命行事

君。子。之。德。風。也。有。君。子。之。德。而。布。諸。天。下。不。以。積。  
漸。不。能。入。人。之。深。也。故。申。命。行。事。取。諸。隨。風。

麗澤兌君子以朋友講習

君。子。之。于。道。講。之。則。明。習。之。則。熟。不。可。一。日。无。朋。

友也是以取諸麗澤之象也

風行水上渙先王以享于帝立廟

風行水上陰凝頓釋渙之象也故先王致其明德  
享帝則可以弭陰陽之災沴立廟則可以消人神  
之怨恫

澤上有水節君子以制數度議德行

水與澤平可也澤上有水則宜節矣在物而制其  
數度使无高下輕重之違則在人而議其德行使  
无太過不及之失中皆所以爲節也

澤上有風中孚君子以議獄緩死

澤在下而風入之。澤非有求也。民陷于死地而君子矜之。民非敢望也。議獄緩死。自盡其誠而已。所以爲中孚也。

山上有雷小過君子以行過乎恭喪過乎哀用過乎儉

山上有雷動而輒過。故曰小過。君子之行宜恭喪宜哀用宜儉也。有時而過之可暫而不可常也。所謂小過也。

水在火上既濟君子以思患而預防之

水在火上用相得矣然此特假于器以成其用耳  
使器有時而敝則相得者不轉而相滅乎既濟之  
時雖若无事乃吉凶所伏之大者也故君子思患  
而預防之

火在水上未濟君子以慎辨物居方

水火二物有常性焉有定位焉失其性則用乖易  
其位則道敝如是則未濟矣君子之慎辨物居方  
者不忍天下之終于未濟也

周易正解卷之六

易通八

上元程廷祚著

傳六

繫辭

天尊地卑。乾坤定矣。卑高以陳。貴賤位矣。動靜有常。剛柔斷矣。方以類聚。物以羣分。吉凶生矣。在天成象。在地成形。變化見矣。

易之道統于乾坤。而爻位有貴賤。卦爻有剛柔。吉凶者其情。變化者其用。欲知易者。先觀天地。天尊地卑。則乾健坤順之性定矣。卑高以陳。則上貴下

賤之位列矣。未嘗无靜。而以動爲常者。剛也。未嘗无動。而以靜爲常者。柔也。剛柔斷矣。方以類聚。則不相下。物以羣分。則不相得。吉凶生矣。象成于天。而各効其能。形成于地。而各著其理。變化見矣。皆言道之在天地。有如是者。而欲知易。不可不求諸此也。

是故剛柔相摩。八卦相盪。鼓之以雷霆。潤之以風雨。日月運行。一寒一暑。乾道成男。坤道成女。天地之道。莫大乎變化。變化之端。起于剛柔。是故

剛柔相摩而爲八卦。八卦相盪而爲六十四變化。者變則成象。化則成形也。成象之大者曰震巽雷。霆風雨是也。曰坎離日月是也。成形之大者曰艮兌男女是也。說見要論天之有寒暑日月進退之所爲。故曰日月運行一寒一暑。乾坤之道至人而盡。故曰乾道成男。坤道成女。天地之變化惟此數者。至于成男成女而變化在人矣。

乾知大始。坤作成物。

萬物本此以出。故曰知大始。

知猶主也。

本此以立。故曰

作成物无乾之始則坤无由而成无坤之成則乾之始亦不可得而見乾坤所以統天下之道而爲易之大原者此也

乾以易知坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣天下之理得而成位乎其中矣

乾坤之道易簡而已易者難之反簡者煩之對乾以易知其人心卽孟子所謂不慮而知者也坤



以簡能其在人心。卽孟子所謂不學而能者也。易而曰知。始之謂也。簡而曰能。成之謂也。易知易從。以其出于天也。有親有功。以其同乎人也。率其性而爲人所同好。故可守以爲常有。親則可久。此賢人之德也。修其道而爲人所共由。故可積以爲富。有功則可大。此賢人之業也。德業之盛。皆不越乎易知簡能其故何也。易簡者。人之性命也。天下之理皆性命之理也。易簡而天下之理得。天下之理得而成位乎其中。所謂盡其性以盡人物之性而

與天地參者卽是義也。然則欲知易者不可以不知乾坤。欲知乾坤不可以不知易簡矣。

### 右第一章

聖人設卦觀象繫辭焉而明吉凶。剛柔相推而生變化。是故吉凶者失得之象也。悔吝者憂虞之象也。變化者進退之象也。剛柔者晝夜之象也。六爻之動三極之道也。

此章言聖人見易之在天地者而爲書以教人。故設卦而觀其象。以其象有吉凶。有悔吝。故繫辭以

明之以吉凶悔吝起于剛柔之變化故又卽卦爻  
之相推以見之然則易之爲書象焉而已人道以  
順乎正爲得不順乎正爲失得則吉失則凶故繫  
辭之吉凶所以象失得也人能聞其過則有悔不  
能聞其過則有吝悔則虞虞訓安于寶曰悔亡則  
至于失得悔吝不入于吉凶是也吝則憂故繫辭之悔吝所以象  
憂虞也按失與憂言于先而得與悔言于後者以多者爲先也至于變化者  
言人事非吉凶則悔吝也進退者言剛進而柔退  
則吉與悔之數多柔進而剛退則凶與吝之數多

也。故曰變化者進退之象也。夫剛柔二物相反而相成者也。既當察其相反之機。又當求其相成之用。在辨其所以異而已。異之極致。則晝夜是已。故曰剛柔者晝夜之象也。夫剛柔變化而遂致吉凶悔吝之紛紛。使无道以制之。豈所謂易者哉。故卦有六爻。其變不一。而惟動于易簡。則无往而不善。易簡者。天地與人之所由立也。故曰六爻之動三極之道也。動以易簡之道。其聖人設卦觀象之大要乎。

是故君子所居而安者易之序也。所樂而玩者爻之辭也。是故君子居則觀其象而玩其辭，動則觀其變而玩其占。是以自天祐之，吉无不利。

序者時也。卦有卦之時，爻有爻之時。天之所命而道之所行也。所居而安者，易之序。君子所處不欲少違乎時也。樂而玩者，言爻辭則彖辭在其中矣。居則觀其象而玩其辭，定所守也。動則觀其變而玩其占，慎所之也。以卜筮言動與靜皆求合于易簡之道。則與天无間。夫與天无間，能不爲天之所祐而

吉无不利乎

右第二章

彖者言乎象者也。爻者言乎變者也。吉凶者言乎其  
失得也。悔吝者言乎其小疵也。无咎者善補過也。

彖者卦之全體。所以象天地間之一事。故曰言乎  
象者也。其爲卦同而爻之所值不同。則其用遂異。  
故曰言乎變者也。繫辭中所言得失之大者曰吉。  
曰凶。所言得失之小者曰悔曰吝。至于時位不當。  
則愆尤易集。而君子惟欲自立于无過之地。无咎。

者善補過也。言其能補時位之不善。以至于善也。辭之所以斷者。其例如此。

是故列貴賤者存乎位。齊小大者存乎卦。辨吉凶者存乎辭。憂悔吝者存乎介。震无咎者存乎悔。是故卦有大小。辭有險易。辭也者。各指其所之。

位。爻位也。貴賤者。如二五皆貴。而五爲尤貴。四三皆賤。而三爲尤賤。是也。小謂柔也。大謂剛也。此以爻畫

奇耦齊。小大者。易惟乾坤純剛純柔。餘則剛柔交錯以成卦也。位。分上下故曰。列卦不分剛柔。故曰。

齊辭所以斷言辨吉凶。則悔吝无咎在其中矣。悔生于內。吝見于外。介者其所見端之地。憂悔吝者存乎介。言悔吝人所時有如憂之。則當早爲之圖。而不可待其既至也。震動也。悔心之動于正也。震无咎者存乎悔。言人能以悔生其心。則可以補過而无咎。既不抵于凶。亦不至于吝。而所謂吉者卽此而在矣。險者凶吝之謂也。易者吉與无咎之謂也。辭之易者大抵以剛柔之中正。辭之險者反是。辭也者各指其所之言。辭之險易因小大之所之。



而爲言。未。有。中。正。而。不。獲。吉。與。无。咎。不。中。不。正。而。免。于。凶。吝。者。也。人。其。可。不。深。省。乎。

### 右第三章

易與天地準。故能彌綸天地之道。

準者。相平之意。言易道之大。與天地相平準也。彌者。大无不含。綸者。細无不入也。

仰以觀于天文。俯以察于地理。是故知幽明之故。原始反終。故知死生之說。精氣爲物。游魂爲變。是故知鬼神之情狀。

此言聖人細无不入所以盡道之變化也天文顯而易見故曰觀曰明地理繁而難測故曰察曰幽原始反終者原其始則自无而之有反其終則自有而之无萬物之所以生卽其所以死也精氣者氣得其聚而精靈神之謂也游魂者魂失其依而游放鬼之謂也蓋天地之變化不可窮而幽明盡之死生之變化不可窮而終始盡之鬼神之變化不可窮而精氣游魂盡之此三者皆變化之極致而有以知之則天下之理不足言矣

與天地相似故不違知周乎萬物而道濟天下故不  
過旁行而不流此句宜屬上樂天知命故不憂安二敦乎  
仁故能愛

此言聖人大无不含所以盡道之中正也不違合  
其德也不過當其則也不流所以爲不過也樂天  
者動靜不失其時敦仁者吉凶與民同患也夫與  
天地相似則與天地合其中正矣知周乎萬物之  
是非得失而惟濟之以道有時旁行以通道之所  
窮而終于不過其則中正之至也若夫樂天知命

而因天之時所以自立于中正也而憂于何生安  
土敦仁而法地之厚所以納天下于中正也而愛  
豈不足如是則易道盡矣

範圍天地之化而不過曲成萬物而不遺通乎晝夜  
之道而知故神无方而易无體

範圍天地之化而不過大无不含也曲成萬物而  
不遺細无不入也若是者豈有外于剛柔哉晝夜  
謂剛柔也通乎晝夜之道而知剛知柔柔知剛也  
如是則塞乎天地之間矣神无方而易无體神卽

易也。易卽神也。故曰：易與天地準。

神卽剛柔  
非他物也

### 右第四章

一陰一陽之謂道。繼之者善也。成之者性也。

陰主天下之形。承陽者也。陽主天下之象。統陰者

也。

象生于无  
形生于有

一陰一陽之謂道。言道者乃一陰一

陽之所行。无時无地而可離舍。是則无所謂道而

亦无所謂太極矣。

宋人以陰陽爲氣。以太極爲理。其說甚誤。不可不辨。

至于

人物所本以生者。陰陽相交之至仁。繼之者善所

謂。維天之命。於穆不已也。人物所由以立者。陰陽

不貳之太用成之者性所謂乾道變化各正性命也則亦无之而非道之所在矣

仁者見之謂之仁知者見之謂之知百姓日用而不知故君子之道鮮矣

仁者以爲仁知者以爲知局于所見也百姓之日用昧于所知也言道无大小因人以爲量見大則大見小則小君子之道鮮矣蓋嘆之也

顯諸仁藏諸用鼓萬物而不與聖人同憂盛德大業至矣哉

顯諸仁。所謂繼之者善也。藏諸用。所謂成之者性也。陰陽主物之生成。而美惡一致。不擇所施。故曰鼓萬物而不與聖人同憂。然陰陽之大。亦愈可見于此矣。德言其化也。業言其積也。

富有之謂大業。日新之謂盛德。生生之謂易。成象之謂乾。效法之謂坤。極數知來之謂占。通變之謂事。陰陽不測之謂神。

積不可量。故曰富有。化不可窮。故曰日新。富有日新。陰陽所以生天下之生也。由其所行。則謂之道。

由其生生則謂之易一而已矣。是道也用之成家  
以知天下之始則謂之乾用之效法以著乾道之  
能則謂之坤用之極數以知來則謂之占用之通  
變以成務則謂之事易也。乾坤也占也事也皆聖  
人所以用陰陽而極其至者也。如是則陰陽不測  
矣。不測則謂之神聖而不可知也。豈曰見仁見知  
而已哉。

右第五章

因上章言晝夜而  
遂極言陰陽之道

夫易廣矣大矣以言乎遠則不禦以言乎邇則靜而



正以言乎天地之間則備矣

无不到曰廣。无不有曰大。遠則不禦。放之而準也。邇則靜正。退藏于密也。皆言其廣也。言乎天地之間則備言其大也。

夫乾其靜也專。其動也直。是以大生焉。夫坤其靜也翕。其動也闢。是以廣生焉。

易之所以爲易者。乾坤而已。而乾坤各有動靜。乾之靜寂然。无物專也。而有感卽通。其動也直。坤之靜收斂。閉藏翕也。而發揚宣著。其動也闢。夫有乾

有坤則天下之道立矣。而乾與坤又各有其靜以立體。各有其動以達用。靜則不貳。動則不測。此廣大之所由生也。

廣大配天地。變通配四時。陰陽之義配日月。易簡之善配至德。

如上文所云。易之廣大配天地矣。而所以濟其窮者。則變通配乎四時。所以立其常者。則陰陽之義配乎日月。其廣大不愈見哉。若是者何也。易之乾坤卽天地之乾坤也。所謂專直翕闢卽易簡也。故

曰易簡之善配至德至德者天地之德也。

右第六章

因上章言乾坤而遂極言乾坤之大

子曰易其至矣乎夫易聖人所以崇德而廣業也知崇禮卑崇效天卑法地天地設位而易行乎其中矣有親則可久德之崇也有功則可大業之廣也言聖人以易道成位乎天地之間此易之所以爲至也知以達天故曰崇禮以順世故曰卑知崇崇德之事也禮卑廣業之事也崇則效天以乾之易知爲體也卑則法地以坤之簡能爲用也易簡而天

下之理得。故曰天地設位而易行乎其中矣。  
成性存存道義之門。

易知簡能。人之性也。德業之本也。人能自成其性。  
而存之又存。則天下之道義莫不由是以出矣。此  
言所謂效天法地與天地設位者。皆不離乎已之  
性分。而非由外鑠我也。道生則德崇。義立則業廣。

### 右第七章

聖人有以見天下之賾而擬諸其形容。象其物宜。是  
故謂之象。聖人有以見天下之動而觀其會通以行。

其典禮繫辭焉以斷其吉凶是故謂之爻言天下之至賾而不可惡也言天下之至動而不可亂也擬之而後言議之而後動擬議以成其變化

至賾者事物之散殊至動者時位之各異皆道之變化也擬諸其形容如屯有屯之形容蒙有蒙之形容是也象其物宜如動平險中則爲屯險而止則爲蒙是也如是則謂之象象者像其賾也觀其會通言自初至上其所適之塗不一也行其典禮言自初至上各有當行之道也其中有吉有凶而

繫辭以斷之如是則謂之爻。爻者效其動也。易之  
所以有象者言天下之事物雖至蹟而人不可惡  
之也。惡之則昧其物宜矣。卦之所以有爻者言天  
下之時位雖至動而人不可亂之也。亂之則違其  
典禮矣。不可惡故必擬之而後言。不可亂故必議  
之而後動。擬之議之斯變化成而易道著矣。

鳴鶴在陰其子和之。我有好爵吾與爾靡之。子曰君  
子居其室出其言善則千里之外應之。況其邇者乎。  
居其室出其言不善則千里之外違之。況其邇者乎。

言出乎身加乎民行發乎邇見乎遠言行君子之樞機樞機之發榮辱之主也言行君子之所以動天地也可不慎乎

言人性皆善可誠而不可僞言行之際自至近及于至遠故君子當慎其樞機以爲感應之本也

同人先號咷而後笑子曰君子之道或出或處或默或語二人同心其利斷金同心之言其臭如蘭

出處語默不必同而心不可不同心不可不同者以天下无二道也此同人之九五所以爲同心也

初六藉用白茅无咎子曰苟錯諸地而可矣藉之用茅何咎之有慎之至也夫茅之爲物薄而用可重也慎斯術也以往其无所失矣

藉之以茅則朽爛不及于在上故曰爲物薄而用可重也能如初六則大將不至于過而何失之有勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位者也

有功而下人謂之勞謙此盛德之事致恭以存其



位明經文有終之意也

亢龍有悔子曰貴而无位高而无民賢人在下位而无輔是以動而有悔也

不出戶庭无咎子曰亂之所生也則言語以爲階君不密則失臣臣不密則失身幾事不密則害成是以君子慎密而不出也

不出戶庭自節也自節之道自言語始故極稱言語致亂之由又兌爲口舌也

子曰作易者其知盜乎易曰負且乘致寇至負也者

小人之事也乘也者君子之器也小人而乘君子之器盜斯奪之矣上慢下暴盜斯伐之矣慢藏誨盜冶容誨淫易曰負且乘致寇至盜之招也

右第八章

自鳴鶴在陰以下及後憧憧往來十一節先儒以爲諸卦之文言是也

天一地二天三地四天五地六天七地八天九地十天數五地數五五位相得而各有合天數二十有五地數三十凡天地之數五十有五此所以成變化而行鬼神也

陰陽所行謂之道道以數爲紀天一地二陽奇陰

耦之本數也。陽知始而无物。故一陰作成而有形。故二三者天一貫于地二也。四者地數之漸著也。五者天一攝乎地四也。六者地數之已定也。七與八者天地之偏數也。九者天數之成十者地數之終也。詳見精義一三五七九天之數五二四六八十地之數五奇歸于天耦歸于地。是五位相得也。而各有合。天之五奇合而爲二十有五。地之五耦合而爲三十也。凡天地之數五十有五。八卦之象以之而成。剛柔之用以之而行。天下之道无有出乎其

外者。故曰。所以成變化而行鬼神。變化謂八卦鬼神。謂剛柔也。

大衍之數五十。其用四十有九。分而爲二。以象兩。掛一以象三。揲之以四。以象四時。歸奇于扚。以象閏五。歲再閏。故再扚而後掛乾之策二百一十有六。坤之策百四十有四。凡三百有六十。當期之日。二篇之策萬有一千五百二十。當萬物之數也。是故四營而成易。十有八變而成卦。八卦而小成。引而伸之。觸類而長之。天下之能事畢矣。顯道神德行。是故可與酬酢。

可與祐神矣。子曰：知變化之道者，其知神之所爲乎？  
大衍之數五十，或曰：此脫文也。大衍之數卽天地  
之數五十有五而止，用四十有九者，存六爻之位  
也。按古注：姚信、董遇皆云：天地之數五十有五，孔  
者其六以象六畫之缺，故減之而用四十九。孔  
穎達曰：分而爲二，以象兩者；以四十九分而爲二，  
以象兩儀也。掛一以象三者，就兩儀之間于天數  
之中，分掛其一以象三才也。揲之以四，以象四時  
者，分揲其著皆以四，四爲數，以象四時歸奇于扚  
以象閏者，謂四揲之餘歸此殘奇于扚而成數，以

象天道歸殘聚餘分而成閏也

虞翻以爲奇卽所掛一策奇與一混

是再扐而後掛朱晦菴曰一掛之後左右各一揲而一扐五者之中凡有再扐然後別起一掛也乾之策二百一十有六坤之策百四十有四荀爽曰陽爻之策三十有六乾六爻皆陽三六一百八十六六三十六合二百一十有六也陰爻之策二十有四坤六爻皆陰二六一百二十四六二十四合一百四十有四也二篇之策萬有一千五百二十侯果曰六十四卦合三百八十四爻陽爻一百九

十二每爻三十六策合六千九百一十二策陰爻亦一百九十二每爻二十四策合四千六百八策則二篇之策合萬一千五百二十也四營而成易陸績曰分而爲二以象兩一營也掛一以象三二營也揲之以四以象四時三營也歸奇于扚以象閏四營也十有八變而成卦孔穎達曰每爻有三變六爻則十有八變乃始成卦也八卦而小成謂初得三爻也引而伸之觸類而長之謂成六畫之卦也

朱晦菴以引伸觸類爲一卦變爲六十四卦非是

按上節言天地自

然○之○數○欲○人○知○剛○柔○八○卦○之○所○以○然○此○節○言○著○策○  
之○效○法○于○天○地○者○以○明○聖○人○寄○易○道○于○卜○筮○之○意○  
蓋○古○聖○人○之○命○卜○筮○使○之○節○節○與○易○道○相○應○而○未○  
嘗○以○卜○筮○爲○能○盡○易○至○其○法○春○秋○之○時○掌○于○太○卜○  
筮○人○等○官○士○大○夫○所○習○見○者○不○必○待○孔○子○而○後○能○  
言○也○故○象○兩○象○三○象○四○時○象○閏○當○期○之○日○當○萬○物○  
之○數○孔○子○豈○爲○人○不○知○分○掛○揲○歸○及○乾○坤○二○篇○之○  
策○數○乎○欲○天○下○于○卜○筮○見○心○之○爲○心○而○已○兩○者○剛○  
柔○也○三○者○剛○柔○之○所○以○爲○用○也○四○時○者○兩○與○三○之○



所變通也。閏者變通中之權衡也。期之日言无時。  
可離萬物之數言无物不體也。四營其始基也。而  
必極之于十有八變。八卦猶小成也。而猶極之于  
引伸觸類。皆所以窮天地之變化而盡人心之用。  
也。故曰天下之能事畢矣。道以此顯鬼神之所以  
行也。德行以此神變化之所由成也。可與酬酢祐  
神易簡而天下之理得矣。知變化之道者其知神  
之所爲乎。變化之道人所難明。而卜筮則爲易見。  
神者天地之神。卽人心而已矣。

右第九章

易有聖人之道四焉。以言者尚其辭。以動者尚其變。以制器者尚其象。以卜筮者尚其占。

聖人之道。窮理盡性。以至于命。易之爲書。无所不備。若學者因易以求聖人之道。則有四焉。四者辭變象占。各有所尚。皆所以盡變化而求夫吉凶失得之情者也。器猶言事也。制器尚象。言處事而得其物宜。是在于象。

是以君子將有爲也。將有行也。問焉而以言。其受命

也如嚮无有遠近幽深遂知來物非天下之至精其孰能與于此參伍以變錯綜其數通其變遂成天地之文極其數遂定天下之象非天下之至變其孰能與于此易无思也无爲也寂然不動感而遂通天下之故非天下之至神其孰能與于此

受命如嚮參伍錯綜與感而遂通皆指易之爲書而言至精至變至神則所謂聖人之道而見于辭變象占者也至精則无不燭至變則无不該而至神者精與變之所以妙也韓康伯曰三者功用之

母象數之所由立是也。孔穎達曰：參伍以變，參三也，伍五也，或三或五以相參合，畧舉三五諸數皆然也。錯綜其數，錯謂交錯，綜謂總聚也。

夫易聖人之所以極深而研幾也。唯深也，故能通天下之志；唯幾也，故能成天下之務；唯神也，故不疾而速，不行而至。子曰：『易有聖人之道四焉者，』此之謂也。深者秘而難窺，幾者微而難辨，天下之事理然也。聖人以至精者極天下之深，以至變者研天下之幾，而觀象繫辭，作爲易之一書，使天下之人亦有

以極深而研幾也。極深而天下之志可通。來物遂知。精无不燭也。研幾而天下之務可成。萬象已定。變无弗該也。其通志成務。感而遂通。皆非智力之所能爲。則所謂神也。聖人以至精至變至神之道。而著之于易者如是。學者居則觀其象而玩其辭。動則觀其變而玩其占。亦可以知聖人之道之微矣。故曰易有聖人之道四焉者。此之謂也。

### 右第十章

子曰夫易何爲者也。夫易開物成務。冒天下之道如

斯而已者也是故聖人以通天下之志以定天下之業以斷天下之疑是故著之德圓而神卦之德方以知六爻之義易以貢聖人以此洗心退藏于密吉凶與民同患神以知來知以藏往其孰能與于此哉古之聰明叡知神武而不殺者夫是以明于天之道而察于民之故是與神物以前民用聖人以此齊戒以神明其德夫

開物成務冒天下之道此天下之至難而言如斯而已者示人當以此求易則知易之所爲作也開

物故能通天下之志成務故能定天下之業冒天下之道故能決天下之疑通志用在著其德圓而神應无方也定業用在卦其德方以知體有定也斷疑用在六爻其義易以貢理无窮也是三者在聖人之心則无思无爲而退藏于密感而遂通而與民同患神足以知來无待于蓍知足以藏往无待于卦此非古之聰明叡知神武而不殺者不能也耳目心思皆與天通故曰聰明叡知天德至健而好生故曰神武不殺以其有是德也故能天道

人事一以貫之而作易以神明天下之德神物謂易也聖人使天下之人戒慎恐懼而有以前其用者也蓋不待蓍卦而自有以前其用者聖人也不待吉凶之至而有以前民用者易也此其所以開物成務冒天下之道而謂之神物也與

是故闔戶謂之坤闢戶謂之乾一闔一闢謂之變往來不窮謂之通見乃謂之象形乃謂之器制而用之謂之法利用出入民咸用之謂之神是故易有太極是生兩儀兩儀生四象四象生八卦八卦定吉凶吉



凶生大業

闔戶謂之坤乾交于坤也。闔戶謂之乾坤交于乾也。一闔一闢謂之變。忽乾而忽坤也。往來不窮謂之通。闔闢之不已也。謂之象而可見。謂之器而有形。謂之法而可用。謂之神而不可知。皆易也。皆神也。夫神者陰陽不測之謂。太極卽陰陽也。兩儀者易之奇耦也。四象者三畫之卦是也。乾坤純奇純耦爲二象震坎艮一奇二耦巽離兌一耦二奇爲二象是爲四象詳見要論八卦者重卦六十有四。是也。八卦定吉凶。辭變象占是也。吉凶生大

業開物成務是也。由兩儀而上則闔闢往來之機。由兩儀而下則已見已形之事。皆所謂神物也。此言易由陰陽而生奇耦。以遞至於八卦。以定吉凶。而生大業。則興神物以前民用者。是之謂矣。按此節承上文是興神物二句而言。闔戶八句言神物也。易有太極至吉凶生大業言興神物以前民用也。是故法象莫大乎天地。變通莫大乎四時。懸象著明莫大乎日月。崇高莫大乎富貴。備物制用立成器以爲天下利。莫大乎聖人。探賾索隱。鈎深致遠。以定天下之吉凶。成天下之亹亹者。莫大乎蓍龜。是故天生

神物聖人則之天地變化聖人效之天垂象見吉凶  
聖人象之河出圖洛出書聖人則之

法象謂乾坤也變通謂闔闢往來也懸象著明謂  
見者也崇高謂形者也言聖人而有其位者也備  
物制用謂法也著龜謂神也六者天下之至大易  
皆兼而有之至于凡天地之所有聖人无不則而  
象之皆所以明冒天下之意也

易有四象所以示也繫辭焉所以告也定之以吉凶  
所以斷也

四象指三畫之卦而六十四卦在其中。示人以物  
宜所謂卦之德方以知也。繫辭以告所謂六爻之  
義易以貢也。卦爻有吉有凶。蓍之所斷者此也。上  
文言莫大乎蓍龜。而此復兼卦象繫辭言之。聖人  
慮天下以易爲卜筮之書。而啓萬世以觀象玩辭  
之道者亦至矣。

右第十一章

易曰自天祐之吉无不利。子曰祐者助也。天之所助  
者順也。人之所助者信也。履信思乎順又以尚賢也。

是以自天祐之吉无不利也

順者順乎天也信者信乎人也非信莫行故曰履  
信非順莫存故曰思順有信順之德而居大有之  
上極乎其至是之謂尚賢也

右第十二章

此章前後不相屬今別爲一章  
先儒以爲大有之文言是也

子曰書不盡言言不盡意然則聖人之意其不可見  
乎子曰聖人立象以盡意設卦以盡情僞繫辭焉以  
盡其言變而通之以盡利鼓之舞之以盡神

書不盡言言不盡意二句蓋古語也在他書固有

不能盡者。易則无不盡。象者。剛柔八卦重卦皆是也。設卦以盡情。偽卽所謂立象以盡意者也。變通鼓舞卽所謂繫辭以盡言者也。變通則无滯礙。故曰盡利。鼓舞則无倦怠。所謂成天下之亶亶者。故曰盡神。

乾坤其易之緼邪。乾坤成列而易立乎其中矣。乾坤毀則无以見易。易不可見則乾坤或幾乎息矣。

易有剛柔八卦三百八十四爻。故足以盡其意與言。然學者泛而求之。是不知易之有緼也。易之精緼。惟在乾坤。蓋易之爲道。可正而不可邪。可中而

不可過。乾坤得剛柔之純。一則易知。一則簡能。易簡而天下之理得。故乾坤成列而易道立矣。如人于易簡不能用。是乾坤毀也。易簡不能用。則所謂正者未必正。所謂中者未必中。是无以見易也。易不可見。則所謂易知簡能亦无由而得。乾坤或幾乎息矣。然則易之緼豈不在于乾坤。而其盡意盡言者。又豈可泛而求之乎。

是故形而上者謂之道。形而下者謂之器。化而裁之。謂之變。推而行之。謂之通。舉而措之。天下之民謂之

事業

乾坤爲易之緼。故无。所。不。在。形。而。上。者。謂。之。道。卦。象。之。前。固。乾。坤。也。形。而。下。者。謂。之。器。卦。象。之。後。亦。乾。坤。也。爲。變。爲。通。爲。事。業。自。至。微。以。及。至。著。无。非。乾。坤。者。化。而。裁。之。謂。之。變。自。舊。而。之。新。也。推。而。行。之。謂。之。通。由。困。而。得。釋。也。措。之。天。下。之。民。則。吉。凶。生。大。業。矣。

是故夫象聖人有以見天下之賾而擬諸其形容象其物宜是故謂之象聖人有以見天下之動而觀其



曾通以行其典禮繫辭焉以斷其吉凶是故謂之爻  
極天下之蹟者存乎卦鼓天下之動者存乎辭化而  
裁之存乎變推而行之存乎通神而明之存乎其人  
默而成之不言而信存乎德行

此言聖人見天下之蹟而立象見天下之動而繫  
辭故卦以極天下之蹟則意可盡矣辭以鼓天下  
之動則言可盡矣至于有變有通皆所以盡其言  
而意亦无不盡矣聖人之爲此者欲人之神明其  
德也夫神而明之非異人任故曰存乎其人默而

成之退藏于密。故曰存乎德行。知德行之爲本。則乾坤成列而易立乎其中矣。人可以不知易之緼乎。

右第十三章

此章因上章神明其德之意而歸重于乾坤

八卦成列象在其中矣。因而重之爻在其中矣。剛柔相推變在其中矣。繫辭焉而命之動在其中矣。

八卦成列萬象畢具。因而重之六位益明。觀剛柔之相推則變化莫大乎是。玩繫辭之所命則人事之理已全。言在其中者以明无待于外也。由八卦

而及于繫辭者作易之序也。

吉凶悔吝者生乎動者也。剛柔者立本者也。變通者趨時者也。

繫辭而動在其中者。以吉凶悔吝生于人之動者也。辭以是命。則人知所趨避矣。剛以統柔。柔以承剛。二者竝重。易之大端。故曰立本。然所值之時。不能皆正。則變通以趨之。變通云者。非以濟其私也。欲剛柔之无失其正而已。

吉凶者貞勝者也。天地之道貞觀者也。日月之道貞

明者也。天下之動貞夫一者也。

貞者常也。貞勝者言吉凶常相勝也。天地貞觀而不參照臨之職。日月貞明而不代覆載之用。所以然者以天下之動常主于一。无二。三之理。故吉凶相勝而人之所動出乎吉。卽入乎凶。君子是以知本之不可不立也。

夫乾確然示人易矣。夫坤隤然示人簡矣。爻也者效此者也。象也者像此者也。爻象動乎內。吉凶見乎外。功業見乎變。聖人之情見乎辭。

言乾坤以明剛柔立本之意。乾確然示人以易。坤  
隤然示人以簡。易簡者何。卽上文所謂一者是已。  
爻效此而謂之爻。象像此而謂之象。此易之所以  
爲心學也。易生于心而爲爻象。故曰動乎內心。徵  
于事而有吉凶。故曰見乎外。所以避凶而趨吉者。  
視乎變。所以立本而趨時者。視乎辭。曰本曰一。此  
聖人之情也。

右第十四章

天地之大德曰生。聖人之大寶曰位。何以守位曰仁。

何以聚人曰財理財正辭禁民爲非曰義

聖人之奉天以立人者存乎位故曰大寶財者天之所以生物也理財下文所謂以利天下是也正辭下文所謂以教天下是也禁民爲非下文所謂擊柝弧矢之類是也

古者包犧氏之王天下也仰則觀象于天俯則觀法于地觀鳥獸之文與地之宜近取諸身遠取諸物于是始作八卦以通神明之德以類萬物之情

言王天下以明聖人而得其位者也觀象觀法觀

鳥獸之文與地之宜韓康伯謂无大不極无微不  
究是也近取者性命形體遠取者物理人事也孔  
達以遠取爲雷風山澤之神明之德剛柔動靜萬  
類與仰觀俯察相混非是物之情愛惡情僞也此章言聖人而居天位其功  
莫大于作易則有若包犧氏其事莫大于用易則  
有若神農黃帝堯舜

作結繩而爲網罟以佃以漁蓋取諸離

離取義于物之所麗也

孔穎達謂諸儒取爻象之體韓氏乃取卦名以爲未

善然麗乃離卦之義義卽象也

包犧氏沒神農氏作斲木爲耜揉木爲耒耒耨之利  
以教天下蓋取諸益

益動而巽耒耨之象也。

日中爲市致天下之民聚天下之貨交易而退各得  
其所蓋取諸噬嗑

噬嗑動而明致天下之民動也各得其所明也。

神農氏沒黃帝堯舜氏作通其變使民不倦神而化  
之使民宜之易窮則變變則通通則久是以自天祐  
之吉无不利黃帝堯舜垂衣裳而天下治蓋取諸乾



坤

取諸乾坤者易簡而天下之理得也。

剡木爲舟剡木爲楫舟楫之利以濟不通致遠以利

天下蓋取諸渙

本義謂致遠以利天下句疑衍

渙爲卦險陷在下巽順在上舟楫之象也。

服牛乘馬引重致遠以利天下蓋取諸隨

隨動而說。

重門擊柝以待暴客蓋取諸豫

取諸豫者內順以制外之動也。

按豫无豫備之義韓氏說誤

周易正解

卷六

繫辭

至

道寧堂

斷木爲杵掘地爲臼臼杵之利萬民以濟蓋取諸小過

小過下止而上動。

弦木爲弧剡木爲矢弧矢之利以威天下蓋取諸睽  
睽說而麗乎明非時而興弧矢則民不說有弧矢  
而所加不當則失其明

上古穴居而野處後世聖人易之以宮室上棟下宇  
以待風雨蓋取諸大壯

穴居野處弱而不振故宮室象大壯之剛以動也

古之葬者厚衣之以薪葬之中野不封不樹喪期无  
數後世聖人易之以棺槨蓋取諸大過  
大過巽而說喪葬之禮深入乎人情而天下說之  
上古結繩而治後世聖人易之以書契百官以治萬  
民以察蓋取諸夬  
結繩易弊書契則堅固而可說故取諸夬

右第十五章

章首從子  
夏傳本

是故易者象也象也者像也象者材也爻也者效天  
下之動者也。是故吉凶生而悔吝著也。

章首是故  
二字疑衍

像者像人事也。易主于像人事。彖統而聚一卦之材。爻分而效天下之動。易之爲易盡于此矣。吉凶生而悔吝著。指繫辭而言。

右第十六章

陽卦多陰。陰卦多陽。其故何也。陽卦奇。陰卦耦。其德行何也。陽一君而二民。君子之道也。陰二君而一民。小人之道也。

此言震坎艮巽離兌六卦也。陽卦奇。陰卦耦。言陽卦主于奇。故陰多。陰卦主于耦。故陽多。多其不類。

者也。陽有常尊，陰二君一民，則陽失所尊而民莫知其主，故爲小人之道。

右第十七章

易曰：憧憧往來，朋從爾思。子曰：天下何思何慮？天下同歸而殊塗，一致而百慮。天下何思何慮？日往則月來，月往則日來，日月相推而明生焉；寒往則暑來，暑往則寒來，寒暑相推而歲成焉；往者屈也，來者信也，屈信相感而利生焉。尺蠖之屈，以求信也；龍蛇之蟄，以存身也。精義入神，以致用也；利用安身，以崇德也。

過此以往未之或知也窮神知化德之盛也

咸以无心爲感故足貴也九四動于外而有說則不能无心故經曰憧憧往來朋從爾思然易簡之理本出于一神明之德无待于思本出于一故所由之塗雖異而其究同歸无待于思故所發之慮雖多而其致无二今日憧憧往來是悵望于殊塗而不知其歸之同也今日朋從爾思是周章于百慮而不知其致之一也故再言何思何慮以深抑之且日月寒暑之往來與凡物之屈信相感者莫

非理之自然。至若尺蠖龍蛇。見屈信之同歸。易之  
致用崇德。識外內之一致。彼思慮之憧憧。其无所  
用。亦可見矣。夫外致其用。內崇其德。道之大者。皆  
无所用其思慮。如是則等而上之。愈可知矣。故曰  
過此以往。未之或知也。神者天地之神明。化者天  
地之變化。歸之所以同致。之所以一其故。在此窮  
而知之。亦曰德之盛耳。而豈思慮云爾哉。故咸之  
爲感。貴其无心也。

易曰困于石。據于蒺藜。入于其宮。不見其妻。凶。子曰。

非所困而困焉名必辱非所據而據焉身必危既辱且危死期將至妻其可得見邪

易曰公用射隼于高墉之上獲之无不利子曰隼者禽也弓矢者器也射之者人也君子藏器于身待時而動何不利之有動而不括是以出而有獲語成器而動者也

時所以成器待時而動故曰成器而動

子曰小人不耻不仁不畏不義不見利不勸不威不懲小懲而大誡此小人之福也易曰履校滅趾无咎



此之謂也

善不積不足以成名惡不積不足以滅身小人以小善爲无益而弗爲也以小惡爲无傷而弗去也故惡積而不可掩罪大而不可解易曰荷校滅耳凶

子曰危者安其位者也亡者保其存者也亂者有其治者也是故君子安而不忘危存而不忘亡治而不忘亂是以身安而國家可保也易曰其亡其亡繫于苞桑

子曰德薄而位尊知小而謀大力小而任重鮮不及

矣。易曰：鼎折足，覆公餗，其形渥，凶。言不勝其任也。

子曰：知幾其神乎？君子上交不諂，下交不瀆，其知幾乎？幾者，動之微，吉之先見者也。君子見幾而作，不俟終日。易曰：介于石，不終日。貞吉。介如石焉，寧用終日，斷可識矣。君子知微知彰，知柔知剛，萬夫之望。

君子之知幾，以知有我也。知有我者，不移于物也。

故曰：介如石焉，寧用終日。微者，彰之自彰者，微之顯。剛柔變化而爲吉凶，所謂知幾者，知此而已。

子曰：顏氏之子，其殆庶幾乎？有不善，未嘗不知，知之

未嘗復行也易曰不遠復无祇悔元吉

天地絪縕萬物化醇男女構精萬物化生易曰三人  
行則損一人一人行則得其友言致一也

天地男女皆以兩物相與而成化三人行則損一  
人一人行則得其友言兩相與也兩相與者所以  
致一也物本兩而致則一道之情也陰陽剛柔之  
屬皆然矣

子曰君子安其身而後動易其心而後語定其交而  
後求君子修此三者故全也危以動則民不與也懼

以語則民不應也。无交而求則民不與也。莫之與則傷之者至矣。易曰：莫益之，或擊之，立心勿恒，凶。

右第十八章

或以困于石以下爲皆發明同歸一攻之意蓋不知其爲諸卦之文

言也

子曰：乾坤其易之門邪？乾陽物也，坤陰物也，陰陽合德而剛柔有體，以體天地之撰，以通神明之德。

易道由乾坤以出，故曰易之門道一而已。其德曰陰陽，其體曰剛柔，其物曰乾坤。乾坤以陰陽爲德，以剛柔爲體，无形而有象，故曰陽物陰物也。

乾坤兼有

陰陽剛柔。故曰物。陰陽合德而中正之理。形剛柔有體而變化之端。見乾坤其易之門。此之謂也。體天地之撰。故廣大悉備。通神明之德。故易知簡從。

其稱名也雜而不越于稽其類其衰世之意邪

名猶命也。所謂繫辭焉而命之也。雜而不越如卦

名相似而取象自殊。

如屯蒙蹇困之類

爻名相同而爲用

各別。

如泰否俱有拔茅茹以其彙損益俱有或益之十朋之龜之類其例尤多

易之精

義入神于此可見然非世衰變極則其類有所未窮而聖人之言亦不能如是之盡故曰衰世之意

也。

夫易彰往而察來而微顯闡幽開而當名辨物正言  
斷辭則備矣

彰。往。察。來。以。變。通。趨。時。言。體。天。地。之。撰。也。微。顯。闡  
幽。以。剛。柔。立。本。言。通。神。明。之。德。也。當。名。辨。物。正。言  
斷。辭。皆。指。吉。凶。悔。吝。所。謂。雜。而。不。越。也。然。使。易。不  
作。于。衰。世。則。亦。有。所。未。備。矣。

其稱名也小其取類也大其旨遠其辭文其言曲而  
中其事肆而隱因貳以濟民行以明失得之報

其稱名小。无。不。具。也。其取類大。无。不。包。也。首遠故  
曲。辭。文。故。中。小。无。不。具。故。肆。肆。陳。也。大。无。不。包。故  
隱。皆。所。以。明。雜。而。不。越。及。備。矣。之。意。也。貳。者。疑。也。  
因。貳。以。濟。民。行。所。謂。成。天。下。之。亹。亹。以。明。失。得。之  
報。所。謂。定。天。下。之。吉。凶。皆。衰。世。之。意。也。

右第十九章

易之興也。其于中古乎。作易者。其有憂患乎。是故履  
德之基也。謙德之柄也。復德之本也。恒德之固也。損  
德之修也。益德之裕也。困德之辨也。井德之地也。巽

德之制也。履和而至。謙尊而光。復小而辨于物。恒雜而不厭。損先難而後易。益長裕而不設。困窮而通。井居其所而遷。巽稱而隱。履以和行。謙以制禮。復以自知。恒以一德。損以遠害。益以興利。困以寡怨。井以辨義。巽以行權。

易興而後修身寡過之事。備上古風氣淳質。教學未開。故言興于中古也。教學之端。莫先于生其心。生其心之謂憂患。行其憂患之謂德。聖人之作易。以已之憂患而教天下者也。易之爲書。其大指不



越乎此舉九卦以例其餘也。履知天德而踐之。故爲德之基。說而順乎乾。故和而至。履虎尾而不噬。故以和行也。謙者君子之終。故爲德之柄。天下莫與之爭。故尊而光。卑而不可踰。故以制禮也。復見天地之心。故爲德之本。動而以順行。故小而辨于物。中以自考。故以自知也。恒久而不已。故爲德之固。變其事而不變其道。故雜而不厭。恒則不二。故以一德也。損所以去不善。故爲德之修。功施于前。效收于後。故先難而後易。不善去而害已者除。故

以遠害也。益以遷善。改過而善。日積。故爲德之裕。益動而巽。其進无疆。故長裕而不設。遷善改過。利之大者。故以興利也。困剛掩而在中。故爲德之辨。不失其所亨。故窮而通。險以說。故以寡怨也。井巽乎水而上水。故爲德之地。改邑不改井。故居其所而遷。養而不窮。故以辨義也。巽柔順乎剛。故爲德之制。无初有終。故稱而隱。剛巽乎中正而志行。故以行權也。是九卦者。先言其象。次言其德。次言其用。踐履合乎天德。則能不自滿。假不自滿。假則能。

存其心。能存其心。然後能固其德。欲固其德。則宜去不善。以存善。去不善。以存善。然後不累于境。不累于境。然後性之用達于外。性之用達于外。則能制事而得其宜。聖人之教天下。本于憂患。以立人道者。其要如此。易之用。從可識矣。

右第二十章

此章承上章而言卦象之用。後三章言爻辭。

易之爲書也。不可遠爲道也。屢遷變動。不居周流。六虛上下。无常剛柔相易。不可爲典要。唯變所適。其出入以度。外內使知懼。又明于憂患與故。无有師保。如

臨父母初率其辭而揆其方既有典常苟非其人道不虛行

不可遠所謂爻象動乎內神而明之存乎其人者也

此句乃一章之綱

一道者所適之塗也所適之塗因乎時

位故屢有遷改變動不居時之殊也上下无常位之別也爻之六位而曰六虛不虛不可以適變而合道也使學易者執之以爲典要則非所謂道而亦非所謂不可遠矣夫所謂不可遠者豈有它乎在以知懼爲度而已故易之教人出入以是爲度

外而人事。內而人心。皆使知懼。又明示以憂患之  
故。與猶之也。在于齊戒以神明其德。使天下之人。无有  
師保。而其奉承也。至如臨父母。而其誠敬也。切則  
不患其不合于道矣。故初率其辭。而揆其方。一爻  
有一爻之典常。若可以爲典要也。然非其人神而  
明之。則足于此者。或不足于彼。道有所滯而不能  
周流于六虛矣。故學易者。不可不明于不可遠之  
義也。

右第二十一章

上章言卦象當體以憂患之旨。此章言爻辭亦然。

易之爲書也。原始要終以爲質也。六爻相雜。唯其時物也。

原始要終者。卦之體。唯其時物者。爻之辨。六爻相雜。謂六爻之中有剛有柔也。視其初二三四五上之位。以辨美惡。所謂時物是已。

其初難知其上。易知本末也。初辭擬之。卒成之終。若夫雜物撰德。辨是與非。則非其中爻不備。

其初難知。變未著也。其上易知。事已定也。本末猶言始終。初變未著。故擬之。擬者揆度之意。言雖不。

能。无。吉。凶。而。未。足。以。限。之。也。上。事。已。定。故。卒。成。之。  
言。天。下。之。吉。與。凶。雖。至。于。此。而。不。可。忽。也。雜。物。撰。  
德。謂。剛。柔。易。位。而。著。其。所。得。撰者明辨其是非以  
盡。天。下。之。變。則。莫。備。于。中。四。爻。而。四。爻。之。中。則。所。  
謂。是。者。二。與。五。爲。多。所。謂。非。者。三。與。四。爲。多。焉。  
噫。亦。要。存。亡。吉。凶。則。居。可。知。矣。知。者。觀。其。彖。辭。則。思。  
過。半。矣。

總亦即尚書亦行六爻以觀其爲存亡爲吉凶。无。  
知。與。愚。皆。居。然。可。見。矣。至。彖。之。所。繫。雖。未。及。于。變。

動而統論一卦之象實亦該六爻之理。故知者觀之而思過半焉。言聖人之于易。彖舉其要而爻盡其詳。其爲天下萬世慮之深切如此。故嘆之也。

二與四同功句而異位其善不同。二多譽四多懼。近也。柔之爲道不利遠者。其要无咎其用柔中也。三與五同功句而異位。三多凶五多功貴賤之等也。其柔危其剛勝邪。

此特言中爻雜物撰德之例。二與四同功。謂同剛。同柔也。異位。謂或二或四也。近者。言二在下卦之



中四在上卦之下其位皆卑近而易免于不善故其善雖不同而一則譽譽安一則懼也此統剛柔而言者若柔之爲道則不利于遠而利于近故其居二與四雖皆善而二之柔中多歸于无咎也三與五同功亦謂同剛同柔也而異位或三或五也爻位皆有貴賤獨于三五言之者三至賤五至貴也然五之多功雖柔亦危三之多凶雖剛亦勝爻以五爲尊而德以剛爲重此不可不知也中爻雖不皆然而大例如是故特言之

右第二十二章

易之爲書也廣大悉備有天道焉有人道焉有地道焉兼三才而兩之故六六者非他也三才之道也道有變動故曰爻爻有等故曰物物相雜故曰文文不當故吉凶生焉

剛天道也柔地道也兼體剛柔人道也道莫著于三才兼而兩之爻之所以六也三才之道貴于隨時合變故爲爻以象之爻有等故曰物物者初二三四五上是也物相雜故曰文九六是也九六之

于六位有當不當乃吉凶之所由生易之尤重于爻者此也。

右第二十三章

此承上章亦要存亡吉凶則居可知而言

易之興也其當殷之末世周之盛德邪當文王與紂之事邪是故其辭危危者使平易者使傾其道甚大百物不廢懼以終始八字宜句其要无咎此之謂易之道也。

孟子謂及紂之身天下又大亂易適作于極亂之時故大傳屢及之且以見其于人事之變蔑以加

矣。

舊說因此多附會紂與文王之事以釋卦爻非是。

其辭危者使人不敢

易也。危者使平易者使傾。天之道也。故曰其道甚大。動靜云爲皆不廢懼以終始而後歸于无咎。此之謂易之道也。言易之道盡于此矣。

右第二十四章

此章結前兩章憂患之說。

夫乾天下之至健也。德行恒易以知險。夫坤天下之至順也。德行恒簡以知阻。能說諸心。能研諸侯之慮。定天下之吉凶。成天下之亹亹者。

乾于天下之物舉而皆勝。故曰至健而德行則恒。

易以知險。坤于乾之所至。動而輒從。故曰至順而  
德行則恒簡。以知阻險。阻天下之所畏。而乾坤一  
見而知之者。以成象成形之本。已立于此。故象形  
之變。雖至于極。而有所不足道也。險以象言。能說  
諸心能研諸慮。言乾坤之健順化爲動。入陷麗止。  
說六者。以成八卦。而定天下之吉凶。成天下之亹  
亹者。則不獨以易簡知險阻。而且能化險阻爲易  
簡矣。此章由健順而及說心研慮。猶首章之自剛  
柔相摩。而及雷霆風雨日月男女也。

是故變化云爲吉事有祥象事知器占事知來天地  
設位聖人成能人謀鬼謀百姓與能

象事而知其器

器猶俗語  
言東西也

則變化云爲之道彰此

以卦爻而言所謂知以藏往也占事而知其來則  
吉事有祥之理著此以卜筮而言所謂神以知來  
也凡若此者聖人所以成天地之能故謀之人謀  
之鬼使日用而不知之百姓亦可以知險知阻也  
八卦以象告爻象以情言剛柔雜居而吉凶可見矣  
變動以利言吉凶以情遷是故愛惡相攻而吉凶生

遠近相取而悔吝生情。僞相感而利害生。凡易之情。近而不相得。則凶。或害之。悔且吝。

曰。告曰。言皆示人以知險阻之方。聖人之不得已也。剛柔雜居而吉凶可見。所謂文不當則吉凶生。變動以利言。所謂變而通之以盡利。吉凶以情遷。則下三句是也。愛惡遠近情僞。人事之情具矣。吉凶悔吝利害。害即久辭所謂厲也得失之理盡矣。近者相攻。相取相感是也。近而不相得。則凶。害悔吝各以輕重而致。相得則吉。與利存焉。故變動者。易道之至。

要也

將叛者其辭慙。中心疑者其辭枝。吉人之辭寡。躁人之辭多。誣善之人其辭游。失其守者其辭屈。

情藏于中而辭見于外。然由辭可以知其情者。皆恃吾之有易簡也。故又言此以明知險阻之說。

右第二十五章



周易正解卷之七

易通九

上元程廷祚著

傳七 文言

乾

元者善之長也亨者嘉之會也利者義之和也貞者  
事之幹也君子體仁足以長人嘉會足以合禮利物  
足以和義貞固足以幹事君子行此四德者故曰乾  
元亨利貞

乾之元亨利貞與諸卦非有異例此傳離之而爲

四德欲明君子之用乾者也。元者善之長性之善。无不統也。亨者嘉之會善與人同也。利者義之和。不違乎善也。貞者事之幹止于至善也。仁者无敵。故曰體仁足以長人。仁熟則發皆中節。故曰嘉會足以合禮。仁无不愛而有差等。故曰利物足以和義。仁能守之。故曰貞固足以幹事。人能行此四德。則合于乾道而君子之事備矣。

初九曰潛龍勿用。何謂也。子曰龍德而隱者也不易乎世不成乎名。遯世无悶不見是而无悶。樂則行之。

憂則違之確乎其不可拔潛龍也

龍德猶言乾德龍德而隱言時未可用也不易乎  
世不徇俗之所尚也不成乎名不見已之所長也  
遯世无悶不見是而无悶言不易乎世也樂則行  
之憂則違之言不成乎名也凡人非時而見則憂  
樂不能自主常有樂而違憂而行者矣故曰言不  
成乎名也不徇俗之所尚不見已之所長其確乎  
不可動搖如此潛龍之所以善其用也

九二曰見龍在田利見大人何謂也子曰龍德而正

中者也庸言之信庸行之謹閑邪存其誠善世而不  
伐德博而化易曰見龍在田利見大人君德也

乾之六爻潛與亢不可用三四處危疑之地五盡  
變化獨二爲成德之事故曰龍德而正中正中者  
猶言无間然也庸言庸行而亦信謹則大者可知  
閑邪存其誠克己復禮也善世而不伐不自滿假  
也德博而化大而化之非一節之可名也數者皆  
聖人之德曰君德者以斯道覺斯民君人之事也  
又以未至九五而无其位故獨稱君德云

九三曰君子終日乾乾夕惕若厲无咎何謂也子曰  
君子進德修業忠信所以進德也修辭立其誠所以  
居業也知至至之可與幾也知終終之可與存義也  
是故居上位而不驕在下位而不憂故乾乾因其時  
而惕雖危无咎矣

乾乾者健行不已之意進德修業卽其事也德存  
于心忠信則實有諸已業措于身修辭立誠則言  
行合一幾者深密之名知德之所當至而至之則  
存于心者漸通于天命之本然故可與幾義者配

道之具知業之所當終而終之則措于身者常依  
于人道之當然故可與存義居上不驕在下不憂  
君子不爲位所移而惟道之務如此因其時者曰  
而又夕也因重危者三多凶也雖危无咎君子有  
終身之憂而无一朝之患也

九四曰或躍在淵无咎何謂也子曰上下无常非爲  
邪也進退无恒非離羣也君子進德修業欲及時也  
故无咎

上下无常而非以營其私故曰非爲邪也進退无

恒而非以求異于衆故曰非離羣也其若是者何也四處天人之間其德則以人而合天其事則以人而應天君子進德修業欲及時也時者天之所爲人之所用先時則躁不及時則怠天所不助而人之所不與也及時而後敢動四之所以无咎矣九五曰飛龍在天利見大人何謂也子曰同聲相應同氣相求水流濕火就燥雲從龍風從虎聖人作而萬物覩本乎天者親上本乎地者親下則各從其類也

此言物以類應德至九五則萬物皆與之親上下與天地同流豈曰小補之哉

上九曰亢龍有悔何謂也子曰貴而无位高而无民賢人在下位而无輔是以動而有悔也

貴者陽剛宜有位也高者六爻之上宜有民也賢人在下位者五陽在下宜有輔也而皆以亢失之動而有悔言不可動矣

潛龍勿用下也見龍在田時舍也終日乾乾行事也或躍在淵自試也飛龍在天上治也亢龍有悔窮之



災也乾元用九天下治也潛龍勿用陽氣潛藏見龍  
在田天下文明終日乾乾與時偕行或躍在淵乾道  
乃革飛龍在天乃位乎天德亢龍有悔與時偕極乾  
元用九乃見天則

此反復乾卦六爻以明用九之義九二龍方在田  
亦未被于用故曰時舍也行事謂進德修業自試  
謂自審處以求合于道上治聖人出也窮之災者  
時已過而不止也六爻各有得失而惟用九則處  
之皆得其道故曰乾元用九天下治也陽氣在下

而潛藏故勿用二雖時舍而其德則天下所共見  
故曰文明與時偕行者進而不已之謂革者變也  
乾道乃革道之初變尤宜審處也位乎天德爻至  
五而後位與德稱與時偕極亢而无所復之也爻  
之時與位如是其不一而惟用九則莫不有一定  
之準焉故曰乾元用九乃見天則于此見六爻之  
所爲无非用九之所爲而非用九不足以見乾元  
也。

乾元者始而亨者也利貞者性情也乾始能以美利

利天下不言所利大矣哉大哉乾乎剛健中正純粹  
精也六爻發揮旁通情也時乘六龍以御天也雲行  
雨施天下平也

乾元者萬物之始始之則必遂之故曰始而亨也  
貞者乾道之所以自立非有所利而爲之故曰性  
情也此處元亨利貞不宜作四德講乾始能以美利利天下所謂  
始而亨也不言所利而利于貞所謂性情也夫動  
而莫禦行而不息此乾之剛健也然乾不自見其  
剛健而惟見其中正則其純粹以精无復駁雜偏

居業正解 卷一  
戾之私。于是爲至矣。故再言大哉。以贊美之。乾有純粹以精之蘊。而發揮于六爻。以盡變化。御者馳驅而不失其正之謂時。乘六龍以順天則。而天下賴之。故曰雲行雨施。天下平也。

君子以成德爲行。日可見之行也。潛之爲言也。隱而未見行而未成。是以君子弗用也。

君子以成德爲行。明初九之勿用。非以德之不成也。德成固計日而可見。諸行者。惟適當潛隱之時。不宜自見。則行而未必成。是以君子寧弗用也。

君子學以聚之問以辨之寬以居之仁以行之易曰見龍在田利見大人君德也

學之聚也博故寬以居之而使有所容問之辨也明故仁以行之而必踐其實再言君德以明其所以為大人也

九三重剛而不中上不在天下不在田故乾乾因其時而惕雖危无咎矣

剛謂乾也三居二乾之間故曰重剛九四同剛以中為位三非剛位故曰不中例見小過九四同上不在天下

不在田則人之所得而進退也。夫人所得而進退者。危地也。持其危者。莫大于進德修業。若九三之因時而惕。則无咎矣。

九四重剛而不中。上不在天下。不在田中。不在人。故或之。或之者。疑之也。故无咎。

三四俱爲人道。三在下而守其常。四在上而通其變。此其異也。上不在天下。不在田中。不在人。則其進退。惟在于已矣。進退惟在于已。而疑之者。不敢懷自是之心。而恐有幾微之不合于天道也。

如伊尹之

翻然而改孟子三類故无咎

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且弗違而況于人乎況于鬼神乎

與天地合其德好生也與日月合其明足以有臨也與四時合其序時措之宜也與鬼神合其吉凶福善禍淫也先天而天弗違卽乾元之統天後天而奉天時與時偕行也天且弗違而況于人乎況于鬼神乎言能如九五之盡乾道則天下之能事

畢矣。

亢之爲言也。知進而不知退。知存而不知亡。知得而不知喪。

進退以身言。存亡以位言。得喪以事言也。上九過剛。知之不盡。而果于行。故有悔也。

其唯聖人乎。知進退存亡而不失其正者。其唯聖人乎。

知進退存亡。則異乎亢之不知矣。若乃潛見飛躍。各乘其時。而當其可。乃爲不失其正。正者。天則也。



盡變化以順天則唯聖者能之。李鼎祚以此節爲歎美用九是也。

坤

坤至柔而動也剛。至靜而德方。後得主而有常。含萬物而化光。坤道其順乎。承天而時行。

坤至柔則无。能爲至靜則无。所爲而一遇乎乾。則

其動也剛。莫之能遏也。其德方无所不徧也。方猶言廣

生之意非方正之方也。後得主而有常。所謂至柔至靜也。含

萬物而化光。所謂剛與方也。夫坤固先迷。然非守

其○至○柔○至○靜○者○而○或○自○有○所○用○則○不○足○以○得○主○矣○  
不○敢○自○有○所○用○而○惟○乾○之○從○此○坤○之○所○以○爲○至○柔○  
至○靜○而○順○之○至○也○坤○道○其○順○乎○言○坤○之○道○无○過○于○  
順○者○所○謂○順○者○非○他○承○天○以○時○行○而○已○

積善之家必有餘慶積不善之家必有餘殃臣弑其  
君子弑其父非一朝一夕之故其所由來者漸矣由  
辨之不早辨也易曰履霜堅冰至蓋言順也

初六陰之始見使能辨之于早則无上六之龍戰  
矣君子慮其漸也順之爲言猶漸也

直其正也。方其義也。君子敬以直內，義以方外，敬義立而德不孤。直方大，不習，无不利。則不疑其所行也。直言其正，卽所謂其動剛者也。方言其義，卽所謂其德方者也。非義則宜于此，不宜于彼。其君子敬以直內，則大本立而天命在我。義以方外，則達道行而舉措咸宜。識時務者，足于方外而不足于直內。豪傑之事，是也。守心性者，足于直內而不足于方外。釋之學，是也。皆德之孤者也。君子敬義並立，則德不孤，不孤則大而所行又何疑乎。

陰雖有美含之以從王事弗敢成也。地道也。妻道也。臣道也。地道无成而代有終也。

王謂陽也。成者據以爲功之謂。陰之含章。乃以從陽。而讓其功于陽。此地道之正也。妻道。臣道。皆如是也。經曰。无成有終。夫地道无成矣。而必代陽以終其事。不敢以勞遺乾。所謂順也。

天地變化草木蕃。天地閉賢人隱。易曰。括囊无咎。无譽。蓋言謹也。

閉者。天地不交也。君子相時而動。故以括囊爲宜。

君子黃中通理正位居體美在其中而暢于四支發于事業美之至也

黃中者坤道柔靜之本體通則動之剛理則德之方也正柔中之位而不辭下體之居順之至也經曰黃裳黃則美在其中矣而暢于四支發于事業雖爲裳而不可掩其美爲何如乎

陰疑于陽必戰爲其嫌于无陽也故稱龍焉猶未離其類也故稱血焉夫玄黃者天地之雜也天玄而地黃

陰疑于陽。謂上六也。戰者敵之事也。陰于陽非敵而敢戰乎。是无陽也。聖人謂陽不可无。故以戰屬之龍焉。猶未離其類而稱血者。言事至于此。則非人之所能諱也。君子是以疾夫辨之不早辨焉。夫曰龍戰。尊陽之辭也。曰玄黃。則其尊卑不可得而別矣。此天地之雜也。夫天地而可雜乎。故又言天玄而地黃。以終正之。

周易正解卷之八

易通十

上元程廷祚著

傳八 說卦

昔者聖人之作易也。幽贊于神明而生蓍。參天兩地而倚數。觀變于陰陽而立卦。發揮于剛柔而生爻。和順于道德而理于義。窮理盡性以至于命。

昔者聖人作易而寄諸卜筮。天之生蓍。實聖人神以知來之所致也。數者所以定天下之象而數有奇耦。故曰參天兩地而倚數也。

孔穎達以參兩爲目奇耦。夫聖

人之倚數不外于三才之道。是故卦者象也。象成于天而有變化。故曰觀變于陰陽而立卦。爻以形言。形成于地而有吉凶得失。故曰發揮于剛柔而生爻。道德謂易簡也。和順于道德而理于義。言不違乎易簡以求天下之理也。窮理盡性以至于命。則天下之理得而成位乎其中矣。德在天下謂之道性一也。由其宜謂之義。由其文謂之理。一也。命者性之原也。此人道也。聖人倚數以作易。其道豈外于是哉。

# 右第一章



昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與義兼三才而兩之故易六畫而成卦分陰分陽迭用柔剛故易六位而成章

聖人之作易所以立人道也人道莫大于性命性命之原出于天而其理播于事物順之爲言猶中庸所謂率性修道者也陰陽之于天柔剛之于地仁義之于人三者皆曰立以明非是則有所不立也三者皆曰與又以明其不可偏廢也天地人之

道各有二端卦之所以六畫者蓋取諸此故曰兼  
三才而兩之也分陰分陽以內外卦體言也乾震  
坎艮  
陽卦四坤巽離兌陰  
卦亦四說詳要論迭用柔剛以爻之九六言也  
陰陽而乘以九六此易之所以六位而成章也上  
言兼三才而此惟言陰陽柔剛者蓋天地之道无  
非易簡卽无非仁義分之用之乃所以順性命之  
理而立人道也其旨深矣

右第二章

天地定位山澤通氣雷風相薄水火不相射八卦相

錯數往者順知來者逆是故易逆數也雷以動之風以散之雨以潤之日以烜之艮以止之兌以說之乾以君之坤以藏之

夫生生之謂易聖人之興神物以前民用者也故所重在于知來今觀易之爲書上篇首乾坤天地定位也下篇首咸恒山澤通氣雷風相薄也而終于未濟水火不相射也八卦相錯而爲六十有四順而數之豈不易乎然易之所重旣在知來則數往者不足以盡之矣是故易逆數也

六爻之例由初以至于上

此。卽。逆。以。逆。數。者。言。之。雷。之。動。風。之。散。其。奇。耦。皆。在。下。雨。之。潤。日。之。暄。其。奇。耦。皆。在。中。艮。之。止。兌。之。說。其。奇。耦。皆。在。上。莫。不。由。微。而。之。著。由。虛。以。至。實。而。統。以。乾。之。資。始。載。以。坤。之。資。生。其。來。而。不。可。勝。窮。若。此。將。何。以。知。之。乎。由。前。而。言。則。已。往。之。易。不。外。乎。簡。冊。由。後。而。言。則。未。來。之。易。神。而。明。之。存。乎。其。人。矣。學。易。者。不。可。不。知。也。

右第三章

帝出乎震齊乎巽相見乎離致役乎坤說言乎兌戰

乎乾勞乎坎成言乎艮

萬物出乎震震東方也齊乎巽巽東南也齊也者言萬物之潔齊也離也者明也萬物皆相見南方之卦也聖人南面而聽天下嚮明而治蓋取諸此也坤也者地也萬物皆致養焉故曰致役乎坤兌正秋也萬物之所說也故曰說言乎兌戰乎乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而所成始也故曰成言乎艮

神也者妙萬物而爲言者也動萬物者莫疾乎雷橈  
萬物者莫疾乎風燥萬物者莫熯乎火說萬物者莫  
說乎澤潤萬物者莫潤乎水終萬物始萬物者莫盛  
乎艮故水火相逮雷風不相悖山澤通氣然後能變  
化旣成萬物也

右第四章

乾健也坤順也震動也巽入也坎陷也離麗也艮止  
也兌說也

乾于天下之物舉之莫不勝行之莫不至故曰健

坤之順順乎乾而已。震一陽在初，故爲動。巽一陰在內，故爲入。坎之奇，離之耦，皆在中，故一爲陷，陽陷也。一爲麗，陰麗也。艮陽在上而外，不能侵，故爲止。兌陰在上而中，若有得，故爲說。此言八卦之性情功德也。兩間之物，鉅細悉備，故彖爻之義皆取諸此。後儒惟以天地雷風水火山澤之象當之，可謂誤矣。

詳見要論

### 右第五章

乾爲馬，坤爲牛，震爲龍，巽爲雞，坎爲豕，離爲雉，艮爲

周易  
卷八  
狗兌爲羊

乾爲首坤爲腹震爲足巽爲股坎爲耳離爲目艮爲  
手兌爲口

右第六章

乾天也故稱乎父坤地也故稱乎母震一索而得男  
故謂之長男巽一索而得女故謂之長女坎再索而  
得男故謂之中男離再索而得女故謂之中女艮三  
索而得男故謂之少男兌三索而得女故謂之少女

右第七章



乾爲天爲圓爲君爲父爲玉爲金爲寒爲冰爲大赤  
爲良馬爲老馬爲瘠馬爲駁馬爲木果

坤爲地爲母爲布爲釜爲吝嗇爲均爲子母牛爲大  
輿爲文爲衆爲柄其于地也爲黑

震爲雷爲龍爲玄黃爲旉爲大塗爲長子爲決躁爲  
蒼筤竹爲萑葦其于馬也爲善鳴爲鼻足爲作足爲  
的顙其于稼也爲反生其究爲健爲蕃鮮

巽爲木爲風爲長女爲繩直爲工爲白爲長爲高爲  
進退爲不果爲臭其于人也爲寡髮爲廣顙爲多白

眼爲近利市三倍其究爲躁卦

坎爲水爲溝瀆爲隱伏爲矯輮爲弓輪其于人也爲  
加憂爲心病爲耳痛爲血卦爲赤其于馬也爲美脊  
爲亟心爲下首爲薄蹄爲曳其于輿也爲多眚爲通  
爲月爲盜其于木也爲堅多心

離爲火爲日爲電爲中女爲甲冑爲戈兵其于人也  
爲大腹爲乾卦爲繫爲蟹爲羸爲蚌爲龜其于木也  
爲科上槁

艮爲山爲徑路爲小石爲門闕爲果蓏爲閨寺爲指

爲狗爲鼠爲黔喙之屬其于木也爲堅多節  
兌爲澤爲少女爲巫爲口舌爲毀折爲附決其于地  
也爲剛鹵爲妾爲羊

右第八章

周易正解卷之九

易通十一

傳九

序卦

上篇

有天地然後萬物生焉盈天地之間者唯萬物故受之以屯屯者盈也屯者物之始生也物生必蒙故受之以蒙蒙者蒙也物之穉也物穉不可不養也故受之以需需者飲食之道也飲食必有訟故受之以訟訟必有衆起故受之以師師者衆也衆必有所比故受之以比比者比也比必有所畜故受之以小畜物

畜然後有禮故受之以履履而泰然後安故受之以泰泰者通也物不可以終通故受之以否物不可以終否故受之以同人與人同者物必歸焉故受之以大有有大者不可以盈故受之以謙有大而能謙必豫故受之以豫豫必有隨故受之以隨以喜隨人者必有一事故受之以蠱蠱者事也有事而後可大故受之以臨臨者大也物大然後可觀故受之以觀可觀而後有所合故受之以噬嗑嗑者合也物不可以苟合而已故受之以賁賁者飾也致飾然後亨則盡矣

故受之以剝剝者剝也物不可以終盡剝窮上反下  
故受之以復復則不妄矣故受之以无妄有无妄然  
後可畜故受之以大畜物畜然後可養故受之以頤  
頤者養也不養則不可動故受之以大過物不可以  
終過故受之以坎坎者陷也陷必有所麗故受之以  
離離者麗也

下篇

有天地然後有萬物有萬物然後有男女有男女然  
後有夫婦有夫婦然後有父子有父子然後有君臣

有君臣然後有上下有上下然後禮義有所錯夫婦之道不可以不久也故受之以恒恒者久也物不可以久居其所故受之以遯遯者退也物不可以終遯故受之以大壯物不可以終壯故受之以晉晉者進也進必有所傷故受之以明夷夷者傷也傷于外者必反其家故受之以家人家道窮必乖故受之以睽睽者乖也乖必有難故受之以蹇蹇者難也物不可以終難故受之以解解者緩也緩必有所失故受之以損損而不已必益故受之以益益而不已必決故

受之以夬夬者決也決必有所遇故受之以姤姤者  
遇也物相遇而後聚故受之以萃萃者聚也聚而上  
者謂之升故受之以升升而不已必困故受之以困  
困乎上者必反下故受之以井井道不可不革故受  
之以革革物者莫若鼎故受之以鼎主器者莫若長  
子故受之以震震者動也物不可以終動止之故受  
之以艮艮者止也物不可以終止故受之以漸漸進  
也進必有所歸故受之以歸妹得其所歸者必大故  
受之以豐豐者大也窮大者必失其居故受之以旅



旅而无所容故受之以巽巽者入也入而後說之故  
受之以兌兌者說也說而後散之故受之以渙渙者  
離也物不可以終離故受之以節節而信之故受之  
以中孚有其信者必行之故受之以小過有過物者  
必濟故受之以既濟物不可窮也故受之以未濟終  
焉

周易正解卷之十

易通十二

上元程廷祚著

傳十 雜卦

乾剛坤柔比樂師憂臨觀之義或與或求屯見而不  
失其居蒙雜而著震起也艮止也損益盛衰之始也  
大畜時也无妄災也萃聚而升不來也謙輕而豫怠  
也噬嗑食也賁无色也兌見而巽伏也隨无故也蠱  
則飭也剝爛也復反也晉晝也明夷誅也井通而困  
相遇也咸速也恒久也渙離也節止也解緩也蹇難

也睽外也家人內也否泰反其類也大壯則止遯則退也大有衆也同人親也革去故也鼎取新也小過過也中孚信也豐多故親寡旅也離上而坎下也小畜寡也履不處也需不進也訟不親也大過顛也姤遇也柔遇剛也漸女歸待男行也頤養正也旣濟定也歸妹女之終也未濟男之窮也夬決也剛決柔也君子道長小人道憂也

蔡氏改定本

并協音見  
熊氏經說

乾剛坤柔比樂師憂臨觀之義或與或求屯見而不

失其居

協

蒙雜而著震起也艮止也損益盛衰之始

也大畜時

是協

也无妄災

幸協

萃聚而升不來

協聲

也

謙輕而豫怠

康協

也噬嗑食也賁无色也兌見而巽伏

聞

也隨无故也蠱則飭也剝爛也復反也晉晝也明

夷誅

二韻皆通

也井通而困相遇也咸速也恒久

已協

也渙離也節止也解緩也蹇難

去聲

也睽外也家人內

也否泰反其類

未協

也大壯則止遯則退也大有衆也

同人親也革去故也鼎取新也小過過也

故過新中

信互韻

孚信

中協

也豐多故

古協

也親寡旅

卦名起首

不應旅卦

獨異。蓋此三字傳寫顛倒。宜作也。離上而坎下。虎也。

旅寡親。親從上韻。于傳例似合也。離上而坎下。虎也。

小畜寡。協也。履不處也。需不進。協也。訟不親也。大過

顛。切音也。頤養正。貞協也。既濟定。江也。未濟男之窮也。

歸妹女之終。協章。死。解按窮終以本韻也。漸女歸

待男行也。杭也。姤遇也。柔遇剛也。夬決也。剛決柔也。

君子道長。小人道憂也。

此篇即卦之反對言。剛柔之進退得失。以示人當

崇天德之意也。乾坤得剛柔之純。天下之大分定。

矣。臨之象若與剛方長也。觀之象若求剛已消也。

屯見而不失其居。利居貞也。蒙雜而著。童蒙求我。也。震起而艮止。剛之始終也。損以治物。物底于成。益以利物。滿而自溢。故曰盛衰之始也。大畜剛在內而止之。日新其德。故曰時也。无妄剛在外而恃之。匪正有眚。乃所以爲災也。此專指上九而言剛得中而物歸之。曰萃。剛得中而物從之。曰升。故曰萃聚而升。不來也。謙之所負。雖勞而害則輕也。豫之爲樂。雖大而天下之氣則怠也。噬嗑用獄而得其情。猶食而知其味。故曰食也。賁行禮而當其則。猶太素。

之。不。加。雕。飾。故。曰。无。色。也。兌。與。巽。之。柔。雖。或。見。于。外。或。伏。于。內。而。剛。中。自。若。也。剛。動。而。說。隨。之。而。已。故。无。故。也。巽。以。從。剛。所。當。有。事。故。蠱。則。飭。也。剝。爛。也。復。反。也。剛。之。絕。續。也。晉。晝。也。明。夷。誅。也。德。之。明。晦。也。井。剛。在。上。而。通。困。剛。在。下。遇。物。而。掩。也。柔。上。而。剛。下。爲。咸。感。之。速。也。剛。上。而。柔。下。爲。恒。分。定。而。道。可。久。也。柔。而。不。得。其。正。則。渙。以。離。之。節。以。止。之。解。免。乎。險。故。曰。緩。蹇。險。在。前。故。曰。難。睽。明。在。外。故。曰。外。家。人。明。在。內。故。曰。內。也。否。泰。反。其。類。者。剛。柔。

之消長也。大壯而止。遯而退。惟剛而得其正者能之也。大有曰衆。同人曰親。大小公私之別也。去故以革。取新以鼎。因時之宜也。小過剛失位。故不可久而可過也。中孚剛得中。故信實而弗解也。豐則多故。故以疏言旅則寡親。多寡之極致也。柔上麗乎剛爲離。剛下陷于柔爲坎。故曰離上而坎下也。小畜曰寡。止之暫也。履曰不處。行之常也。需之不進。有所待也。訟之不親。有所爭也。大過剛无所託。故曰顛也。頤以剛濟物。故曰養正也。以下次序從改本既濟曰



定剛柔正而位當也。未濟曰男之窮位之不當。責在剛也。歸妹女之終西南得朋也。漸女歸待男行。後順得常也。姤以柔遇剛。非剛之利也。夬以剛決柔。則柔有不利焉。長君子之道。以絀小人。必純乎乾而後可也。